

Fortlumturia e Tij, Kryepiskopi Joan, priti pjesëmarrësit e forumit evropian “Religions for Peace Europe”



Fortlumturia e Tij, Kryepiskopi Joan, sot priti në takim pjesëmarrësit e forumit evropian “Religions for Peace Europe”, të cilët ndodhen në Tiranë në kuadër të forumit rajonal dhe programit të trajnimit “Shared Sacred Flourishing”. Gjatë bashkëbisedimit u ndanë mendime mbi rolin e komuniteteve fetare në promovimin e paqes, dialogut dhe bashkëpunimit ndërfetar, si një kontribut i rëndësishëm për ndërtimin e një shoqërie më të drejtë dhe më paqësore.

Në kuadër të këtij forumi, Fortlumturia e Tij do të jetë gjithashtu një ndër folësit kryesorë të sesionit kushtuar dialogut ndërfetar, ku do të ndajë përvojën e Kishës Orthodhokse Autoqefale të Shqipërisë dhe modelin shqiptar të bashkëjetesës e të bashkëpunimit ndërfetar.

Forumi mbledh në Tiranë përfaqësues të komuniteteve fetare, institucioneve publike dhe organizatave të shoqërisë civile Këshillat Ndërfetarë të Evropës, me synimin për të forcuar kulturën e paqes dhe angazhimin e përbashkët në shërbim të së mirës së përbashkët.

[Kisha Orthodhokse Autoqefale e Shqipërisë](#)